

Na osnovu člana 90. Zakona o javnim nabavkama BiH („Službeni glasnik BiH“ broj 39/14.), a u skladu sa Odlukom dekana Građevinskog fakulteta Univerziteta u Sarajevu o odabiru najpovoljnijeg ponuđača za pružanje usluga: Pravne usluge broj: 04-1-55-65-5/17. od 08.12. 2017. godine,

**GRAĐEVINSKI FAKULTET U SARAJEVU**, Patriotske lige broj 30, kojeg zastupa prof. dr. Mustafa Hrasnica, dipl. inž. građ. dekan (u daljem tekstu: **Naručilac usluga**)

i  
**ADVOKAT NERMIN MULALIĆ** iz Sarajeva, ul. Dolina br. 5, 71000 Sarajevo, (u daljem tekstu: **Izvršilac usluga**)

zaključuju

## **UGOVOR o pružanju pravnih usluga**

### **PREDMET UGOVORA**

#### **Član 1.**

Predmet ovog Ugovora je pružanje usluga – Pravne usluge za Građevinski fakultet Univerziteta u Sarajevu u 2017. godini, prema Odluci o pokretanju postupka javne nabavke usluga putem direktnog sporazuma Plan JN za 2017.god: Usluge 8.1, PRAVNE USLUGE, JRJN 79100000-5, broj: 04-1-55-65-1/17. od 30.11.2017.godine i Ponude advokata Nermina Mulalića iz Sarajeva evidentirana kod ugovornog organa pod brojem: 04-1-55-65-3/17 od 06.12.2017. godine, koje su sastavni dio ovog ugovora.

#### **Član 2.**

Pravne usluge iz člana 1. ovog ugovora koje će obavljati Izvršilac usluga u ime **Naručioca usluga**, obuhvataju sljedeće:

1. zastupanje u predmetu po tužbi tužitelja JP Komunalac d.o.o. Odžak;
2. sastav odgovora na tužbu,
3. sačinjavanje obrazloženih podnesaka;
4. zastupanje na pripremnom ročištu I ročištu za glavnu raspravu;
5. odlazak na uviđaj.

#### **Član 3.**

Cijena usluga iz člana 2. ovog Ugovora iznosi 1.000,00 KM za svaku poduzetu radnju, odnosno ukupno 6.000,00 KM (slovima: šest hiljada KM) bez PDV za sve radnje poduzete u toku 2017. godine.

**Naručilac usluga** će plaćanje vršiti mjesečno na osnovu fakture **Izvršioca usluga**, na transakcijski račun **izvršioca usluga** u roku od 30 dana od dana izdavanja iste.

### **II OBAVEZE IZVRŠIOCA USLUGA**

#### **Član 4.**

Potpisivanjem ovog Ugovora **Izvršilac usluga** **Izvršilac usluga** se obavezuje da će usluge navedene u članu 2. ovog Ugovora obavljati savjesno, stručno i kvalitetno u skladu sa zahtjevima **Naručioca usluga**, odredbama ovog ugovora, zakonskim i drugim propisima i pravilima struke.

#### **Član 5.**

**Izvršilac usluga** odgovoran je za zakonitost obavljanja preuzetih poslova iz člana 2. ovog Ugovora i njihovo izvršenje u zakonskom roku.

Izvršilac usluge je obavezan pismeno upozoriti Naručioca usluge na neophodnost poduzimanja određenih pravnih radnji u predmetnom sporu u cilju zaštite interesa Naručioca usluga. Ukoliko se Naručilac usluga ogлуši na pismena upozorenja Izvršioca usluge iz prethodnog stava, za eventualne štetne posljedice koje nastanu za Naručioca usluga, Izvršilac usluga ne snosi odgovornost.

### III OBAVEZE NARUČIOCA USLUGA

#### Član 6.

Za usluga iz člana 2. ovog Ugovora (knjigovodstveni poslovi) Naručilac usluga se obavezuje da će na vrijeme dostaviti Naručiocu usluga svu potrebnu dokumentaciju vezanu za predmet spora;

#### Član 7.

Izvršilac usluge je obavezan pismeno upozoriti Naručioca usluge na obavezu blagovremenog dostavljanja ispravne dokumentacije i informacija koja su od utjecaja na pravni status predmeta spora.

Ukoliko Naručilac usluga, i pored upozorenja, ne dostavi ili neblagovremeno dostavi dokumentaciju koja je od uticaja na predmet spora, Izvršilac usluga nije odgovoran za eventualne posljedice, niti će snositi bilo kakvu poslovnu odgovornost zbog propusta Naručioca usluga u predavanju dokumentacije u ugovorenom roku i neispravnosti dokumenata.

### IV PRELAZNE I ZAVRŠNE ODREDBE

#### Član 8.

Ovaj ugovor može se raskinuti na pismeni zahtjev jedne od ugovornih strana, sporazumno ili na izričit zahtjev jedne od ugovornih strana uz otkazni rok od 2 (dva) mjeseca.

#### Član 9.

Izvršilac usluga zadržava pravo da može raskinuti ovaj ugovor jednostrano bez davanja otkaznog roka u slučaju da korisnik usluga nije platio fakturu za izvršene usluge u roku od 30 dana od njenog dospijeca i odmah staviti na raspolaganje kompletan spis predmeta.

#### Član 10.

Svi nesporazumi koji eventualno nastanu u provođenju ovog Ugovora rješavat će se sporazumno. Ukoliko se spor ne uspije riješiti sporazumom, za rješavanje istog se utvrđuje nadležnost Suda stvarne nadležnosti u Sarajevu.

#### Član 11.

Ovaj Ugovor je sastavljen u četiri (4) istovjetna primjerka, od kojih svaka ugovorna strana dobija po dva (2) primjerka.

U Sarajevu, 13.12. 2017.  
Broj: 04-1-JJ-65-6/17.

Izvršilac usluga


Advokat Nermin Mahalić  
Sarajeva, Dolina br. 5  
Tel: 033/213-215 Mob: 061/204-858  
e-mail: nmahalic@bih.net.ba

Naručilac usluga  
DEKAN  
Prof.dr. Mustafa Hrašnica, dipl.inž.grad.



**GRAĐEVINSKI FAKULTET U SARAJEVU**

Patriotske lige 30  
71000 Sarajevo



Poštovani,

**PREDMET: Ponuda za zastupanje u predmetu protiv tužitelja JP Komunalac d.o.o. Odžak**

Ovim putem Vam dostavljamo našu ponudu za zastupanje u Vašem predmetu po tužbi tužitelja JP Komunalac d.o.o. Odžak, a koji predmet se pred Općinskim sudom u Orašju vodi pod brojem 25 0 Ps 041394 15 Ps.

Kao što Vam je poznato u tom predmetu su umješaći na strani tužitelja Agencija za vodno područje rijeke Save i Općinsko pravobraniteljstvo Odžak, a da je I-vo tuženi Čosićpromex d.o.o. Usora.

Predmet spora je izgradnja vodotornja u Odžaku a vrijednost spora je 623.634,82KM sa tim da je I-vo tuženi podnio i protivtužbu protiv tužitelja.

Naša ponuda za zastupanje se temelji na Tarifi o nagradama i naknadi troškova za rad advokata Advokatske komore FBiH ("Tarifa"), a prema kojoj Tarifi se nagrada za zastupanje određuje prema vrijednosti spora.

Imajući u vidu gore navedenu vrijednost spora, u skladu sa čl. 12. Tarife za sporove vrijednosti od 100.001,00KM do 1.000.000,00 KM naša nagrada bi iznosila 600 + 4 boda za svakih započelih 1.000,00 KM preko 100.000,00 KM, sa tim da je po Tarifi vrijednost boda određena kao 3,00KM. Međutim, stav sudova u FBiH je da bez obzira na vrijednost spora, visina nagrade ne može iznositi više od iznosa prosječne neto plata u FBiH, naša nagrada za poduzimanje svake radnje u postupku bi bila u iznosu od 871,00KM + 148,07KM na ime PDV, odnosno ukupno 1.019,07KM.

Pod radnjom u postupku podrazumijevamo sastav odgovora na tužbu, sačinjavanje obrazloženih podnesaka, zastupanje na pripremnom i ročištu za glavnu raspravu kao i odlasku na uviđaj.

Obzirom da se postupak vodi pred Općinskim sudom u Orašju, u skladu sa čl. 31. stav (3) Tarife, imali bismo i pravo na naknadu troškova prijevoza od sjedišta naše advokatske kancelarije u Sarajevu do sjedišta suda. Prema našem izračunu, razdaljina je u jednom smjeru 189,82KM. Prema citiranom članu Tarife, obračun troškova prijevoza u slučaju korištenja vlastitog automobila je 35% važeće cijene benzina za svaki pređeni kilometar, a što bi bilo  $189.82\text{km} \times 2 \times (35\% \times 1,80\text{KM})$ , odnosno 239,17KM. Pored tih troškova, u skladu sa čl. 31. st. (5) Tarife, imali bismo i pravo na dnevnicu u iznosu od 25,00KM.

Bez obzira na mogućnosti predviđene Tarifom kako je to gore navedeno, mi našu ponudu određujemo u manjem iznosu od onog koji bi bio u skladu sa Tarifom i to u **ukupnom iznosu od 1.000,00KM + PDV** za svaku poduzetu radnju, odnosno pristup na ročišta pred Općinskim sudom u Orašju.

U pomenuti iznos naše ponude su uključene i sve pripremne radnje vezane za poduzimanje svake radnje uključujući inicijalni pravni savjet o predmetu, analizu dokaza tužitelja, umješača i I-vo tuženog, pregled i odabir Vaših dokaza, pripreme za ispitivanje svjedoka, analizu nalaza vještaka i pripreme za njihovo ispitivanje i sačinjavanje završnog izlaganja.

Vjerujemo da ćete pri donošenju odluke o prihvatanju naše ponude imati u vidu da smo iznos nagrade određen Tarifom znatno umanjili bez obzira što je predmetni spor izuzetno kompleksan i to ne samo zbog većeg broja stranaka u postupku već i zbog različitih pravnih pitanja i činjeničnog osnova.

S poštovanjem

